

Mensahe 2

**Si Cristo nga Tigpahigawas
ug ang Maghimo Natong Labaw pa sa Mga Mananaog**

Basahong Kasulatan: Rom. 8:2, 31-39

- I. Masinati, mapahimuslan, ug mapadayag nato si Cristo nga Tigpahigawas nato pinaagi sa balaod sa Espiritu sa kinabuhi—Rom. 8:2:**
- A. Magdala nato ang pagpahimulos sa balaod sa Espiritu sa kinabuhi sa Roma 8 ngadto sa realidad sa Lawas ni Cristo sa Roma 12; mobuhat kining balaora sa sulod nato samtang nagkinabuhi ta diha sa Lawas ug alang sa Lawas—8:2, 28-29; 12:1-2, 11; Fil. 1:19.
 - B. Dunay balaod ang tanang kinabuhi ug balaod man ngani kini mismo; ang kinabuhi sa Dios maoy kinahabogang kinabuhi, ug ang balaod ning kinabuhia maoy kinahabogang balaod—itandi sa Juan 1:4-5; 12:24; 14:6a; 10:10b; 1 Cor. 15:45b.
 - C. Nahikay na ang Tulo-usang Dios pinaagi sa pagpakatawo, pagkalansang sa krus, pagkabanhaw, ug pagkayab aron mahimong balaod sa Espiritu sa kinabuhi nga gikataod na sa atong espiritu ingog “siyentipikong” balaod, usa ka prinsipyong molihok-lag-iyaha; kini ang usa sa kinadak-ang nadiskobrehan, ang napahiuli man ngani, sa pamatigayon sa Dios—Rom. 8:2-3, 11, 34, 16.
 - D. Ang balaod sa Espiritu mao ang natural kaayong gahom sa diosnong kinabuhi; kini ang natural nga kinaiya ug ang tiunay, molihok-lag-iyaha nga kagamitan sa diosnong kinabuhi—v. 2; Fil. 2:13; Ezeq. 36:26-27; Prov. 30:18-19; Isa. 40:28-31; Heb. 12:2a; Fil. 4:13; Col. 1:28-29.
 - E. Sa padayon natong pagkontak sa Ginoo, pakigdugtong Niya, molihok-lag-iyaha, natural kaayo ug walay pagpangusog nga mobuhat ang balaod sa Espiritu sa kinabuhi:
 - 1. Mohunong gyod ta sa kaugalingon natong pakigbisog ug panlimbasog—Gal. 2:20a; Rom. 7:15-20:
 - a. Kon wala pa ta makakita nga usa diay ka balaod ang sala ug nga dili gyod makadaog ning balaora ang atong pagbuot, nabitik ta sa Roma 7; dili gyod ta makaabot sa Roma 8.
 - b. Sige gyong nagtinguha si Pablo, apan sige rag kapakyas ang resulta; ang labing maayong mahimo sa tawo mao ra ang hugot nga paghukom—7:18.
 - c. Kon dili molihok ang sala sa sulod nato, sala ra kini, apan kon mapukaw kini sa sulod nato tungod kay buot tang mobuhat og maayo, mahimo kining “ang daotan”—“Nan, napalغان nako ang balaod dinhi nako nga buot mobuhat sa maayo, sa ato pa, nga naa nako ang daotan”—v. 21.
 - d. Imbis magtinguha, ipatumong gyod nato ang atong salabotan sa espiritu ug maggawi uyon sa espiritu—8:6, 4; Fil. 2:13.

Mensahe 2 (sumpay)

2. Mobulig gyod ta sa nagpuyo sa sulod, gikataod na, molihok-lag-iyaha, ug naglihok sa sulod nga Dios pinaagi sa pag-ampo ug sa pagkaanaay espiritung masaligon, aron mamintinar ang pakig-ambitay nato sa Ginoo sa kinabuhi ug sa Ginoo sa buhat—1 Tes. 5:17; Efe. 6:17-18.
 3. Magtagad gyod ta sa pagbati sa kinabuhi sa atong espiritu aron makapabilin diha sa pakig-ambitay sa kinabuhi, sa pag-agay sa diosnong kinabuhi, aron makabuhat ang balaod sa Espiritu sa kinabuhi—Rom. 8:6, 16; 1 Juan 1:2-3, 6-7.
- F. Ang tibuok sekreto sa pagkinabuhi ug pag-alagad nato diha sa Lawas ni Cristo mao ang balaod sa Espiritu sa kinabuhi, nga nagbuhat sa sulod nato:
1. Maghimo natong Dios diha sa kinabuhi, kinaiya, ug pagpadayag apan dili sa ranggo sa pagka-Dios ang balaod sa Espiritu sa kinabuhi, maghulma nato ngadto sa dagway sa panganayng Anak sa Dios aron hiniusa tang magpadayag Niya—Rom. 8:2, 29.
 2. Mag-umol natong mga bahin sa Lawas ni Cristo nga naay tanang matang nga kagamitan ang balaod sa Espiritu sa kinabuhi—Efe. 4:11-12, 16.
- G. Makabulig ta sa naglihok sa sulod nga Tulo-usang Dios ingog balaod sa Espiritu sa kinabuhi pinaagi sa “pag-switch on” ning balaora sa mosunod nga mga paagi:
1. Maggawi gyod ta uyon sa espiritu—magkinabuhi diha sa espiritu—Rom. 8:4, itandi sa Sal. 23:3:
 - a. Ang sekreto nga makasinati ni Cristo mao ang maanaa Niya nga naggahom nato aron makabuhat sa tanang butang, ug ang sekreto nga maanaa Niya maanaa man sa atong espiritu—Fil. 4:12-13, 23.
 - b. Ang praktikal nga pagkinabuhi diha ni Cristo mao nga magkinabuhi ta sa atong espiritu; gihatagag gibug-aton ni apostol Pablo sa basahon sa Roma nga bisan unsa ta (2:29; 8:5-6, 9), bisan unsay naa nato (vv. 10, 16), ug bisan unsay buhaton nato ngadto sa Dios (1:9; 7:6; 8:4, 13; 12:11) kinahanglan naa gyod sa atong espiritu:
 - 1) Aron makakinabuhi diha sa atong espiritu, mogahin gyod tag panahon nga mosud-ong sa Ginoo, mag-ampo aron makig-ambitay ni Jesus, aron maligoan sa Iyang nawong, masuropan sa Iyang katahom, ug mosidlak sa pagkamaayo kaayo Niya—2 Cor. 3:16, 18; Sal. 27:4; itandi sa Mat. 6:6; 14:23; Exo. 33:11a; 34:4, nota 2.
 - 2) Aron makakinabuhi diha sa atong espiritu, mag-ampo gyod ta sa walay pag-undang—1 Tes. 5:17; itandi sa Juan 20:22; Lam. 3:55-56; Rom. 10:12-13.

SI CRISTO NGA TIGPAHIGAWAS

Mensahe 2 (sumpay)

- 3) Aron makakinabuhi diha sa atong espiritu, magpabilin gyod tang makig-ambitay sa diosnong kinabuhi aron maggawi diha sa diosnong kahayag—1 Juan 1:2-3, 6-7.
2. Magtagad ta sa mga butang sa Espiritu—ipatumong ang atong salabotan sa espiritu—Rom. 8:5-6:
 - a. Manimati gyod ta sa atong espiritu, magtagad sa pagbati sa atong espiritu, aron dili makapaguol ug makapalong sa Espiritu—Mal. 2:15-16; Efe. 4:30; 1 Tes. 5:19.
 - b. Mapatumong nato ang atong salabotan sa espiritu sa pagpatumong nato sa atong salabotan sa mga pulong sa Dios, nga espiritu ug kinabuhi—Juan 6:63; Isa. 55:8-11.
 - c. Ang pagpatumong sa atong salabotan sa espiritu, ang pagtagad sa mga butang sa Espiritu, pagkausab man sab sa Ginoo aron mangatiman sa iglesia ug sa tanang balaan diha sa sulodnong mga bahin ni Cristo Jesus—Fil. 2:21; 1:8.
3. Mapatay nato pinaagi sa Espiritu ang binuhatan sa atong lawas—Rom. 8:13; Zac. 4:6; Gal. 5:16:
 - a. Papuy-on gyod nato ang Espiritu sa sulodnong pagkatawo nato—Rom. 8:9, 11.
 - b. Magpabilin gyod ta sa iglesiahanong kinabuhi, diin dugmokon sa Dios sa kalinaw si Satanas ilalom sa atong mga tiil—16:20; 12:1-2, 11.
4. Magpagiya ta sa Espiritu ingon nga mga anak sa Dios—8:14:
 - a. Ang magpagiya sa Espiritu magtagad man sa pagdihog sa sulod, sa paglihok ug pagbuhat sa nagpuyo-sa-sulod, sagol nga Espiritu—1 Juan 2:20, 27.
 - b. Ang magpagiya sa Espiritu magtagad man sa pahulay diha sa atong espiritu, magpagiya ingon nga binihag sa madaogong prosesyon ni Cristo—2 Cor. 2:12-14; 7:5-6.
5. Motuaw ta sa Amahan diha sa espiritu sa pagkaanak—Rom. 8:15; Gal. 4:6:
 - a. Motuaw ngani tag “Abba, Amahan!” (Rom. 8:15), mosaksi “ang Espiritu mismo uban sa atong espiritu nga mga bata ta sa Dios” (v. 16).
 - b. Nagpadayag sa katam-is sa suod nga relasyon nato sa atong Dios ang pagtuaw og “Abba, Amahan!”—itandi sa Mat. 18:3.
6. Moagulo ta diha sa nangamuyong Espiritu alang sa hingpit nga pagkaanak nato, nga mao ang pagtubos sa atong lawas—Rom. 8:23, 26-27:
 - a. Sa pag-agulo nato nag-agulo sab ang Espiritu, nangamuyo alang nato.
 - b. Nag-ampo alang nato ang Espiritung nangamuyo aron masama ta sa dagway ni Cristo nga panganayng Anak sa Dios—vv. 28-29.

Mensahe 2 (sumpay)

II. Masinati, mapahimuslan, ug mapadayag nato si Cristo nga maghimo natong labaw pa nga mga mananaog—v. 37:

- A. Mahigugma ta sa Dios ug magpapugos, magpalimiti, magpadasig, magpalugos, magpaagda, ug magpaduso sa gugma ni Cristo aron labaw gyod kaayo tang makadaog sa tanang butang—vv. 31-39:
 - 1. Sa paghigugma nato sa Dios, makaambit ta sa tanang kadato nga naa Niya—1 Cor. 2:9-10; itandi sa 2 Tim. 3:2-4.
 - 2. Mapugos gyod unta ta sa gugma ni Cristo nga mahigugma sa Dios ug sa mga balaan pinaagi ni Cristo nga gugma nato—2 Cor. 5:14.
- B. “Kon alang nato ang Dios, kinsa may makabatok nato?”—Rom. 8:31; Jer. 31:31-34; Heb. 8:8-10:
 - 1. “Himoon Ko ang walay kataposang pakigsaad uban nila nga dili Ko motalikod nila, aron mobuhat og kaayohan kanila; ug ibutang Ko ang Akong kahadlok sa ilang kasingkasing, aron dili sila mobiya Nako. Ug magkalipay Ko tungod nila sa pagbuhat kanilag kaayohan, ug itanom Ko sila ning yutaa sa pagkamatinumanon sa bug-os Kong kasingkasing ug sa bug-os Kong kalag”—Jer. 32:40-41.
 - 2. Kining walay kataposang pakigsaad mao ang bag-ong pakigsaad; tungod man ning pakigsaara nga dili motalikod ang Dios kanato ug itanom ta Niya diha ni Cristo, nga maayong yuta nato, ug mapalit nato si Cristo sa tanang aspeto Niya, sa ato pa, mabatonan nato pinaagi sa pagbayad nato sa bili sa pagkalimot sa mga butang nga nangagi na ug mopursigir ni Cristo—vv. 40-44; Fil. 3:8-14.
- C. Walay bayad nga gihatag sa Dios kanato ang tanang butang pinaagi ni Cristo; atoa ang tanang butang, tanang tawo, ug tanang sitwasyon, ang mga nahigugma Niya, aron mahingpit ta—Rom. 8:28, 32; 1 Cor. 3:21-22.
- D. Si Cristo, nga namatay alang nato ug gibanhaw, nangamuyo man alang nato sa tuong kamot sa Dios—Rom. 8:34:
 - 1. Sa versiculo 34 naa si Cristo sa tuong kamot sa Dios, apan sa versiculo 10 naa si Cristo karon sa sulod nato, sa atong espiritu—2 Tim. 4:22; itandi sa Juan 1:51; Gen. 28:11-22.
 - 2. Sa Roma 8:34 si Cristo ang nangamuyo alang nato, apan sa versiculo 26 ang Espiritu maoy nangamuyo alang nato:
 - a. Dili kini duha ka Tigpangamuyo kondili usa ra, ang Ginoong Espiritu—2 Cor. 3:18.
 - b. Nangamuyo Siya alang nato sa duha ka tumoy: sa usa ka tumoy ang Espiritu kini nga naa nato, malagmit maoy nagsugod sa pagpangamuyo alang nato; sa laing tumoy si Ginoong Cristo kini sa tuong kamot sa Dios, malagmit maoy nikompleto sa pagpangamuyo alang nato, nga labi gyod nga aron masama ta sa Iyang dagway ug madala ngadto sa Iyang himaya.

SI CRISTO NGA TIGPAHIGAWAS

Mensahe 2 (sumpay)

- E. Walay pag-antos, lakip na ang kasakitan, kagul-anan, paglutos, kagutom, pagkahubo, kakuyaw ug espada ang makabulag nato gikan sa gugma ni Cristo—Rom. 8:35.
- F. Sa tanang pag-antos labi pa tang nagmadaogon pinaagi ni Cristo nga nahigugma nato—v. 37:
 - 1. Tungod sa dili mausab nga paghigugma sa Dios kanato ug sa kamatuoran nga nahuman na ni Cristo ang tanan alang nato, dili makapiog o makadaog ba nato ang kasakitan o paglutos; labi pa hinuon tang makadaog ning tanang butanga pinaagi Niya nga nahigugma nato.
 - 2. Ang gugma sa Dios maoy tinubdan sa Iyang walay kataposang kaluwasan; kining gugmaha, diin walay makabulag nato, naa ni Cristo ug gibubo na sa atong kasingkasing pinaagi sa Espiritu Santo—vv. 38-39; 5:5; Jer. 31:3.
 - 3. Sa kaluwasan sa Dios ang gugma Niya nahimo nang gugma ni Cristo, nga nagbuhat og daghang kahibulongang butang alang nato pinaagi sa grasya ni Cristo hangtod mahuman ang kompletong kaluwasan sa Dios dinhi nato—Rom. 8:35; Os. 11:4.
 - 4. Makahagit kining kahibulongang mga butang sa kaaway sa Dios sa pag-ataki kanato pinaagi sa tanang matang nga katalagman, apan tungod sa pagsanong nato sa gugma sa Dios diha ni Cristo, nakaayo nato kining mga pag-atakiha; busa, labi pa tang magmadaogon sa tanan natong kasakitan ug katalagman—Rom. 8:35-37, 28.